

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
SLUŽBA ZA PRIVREDU, FINANSIJE/FINANCIJE
I RAZVOJ PODUZETNIŠTVA

I N F O R M A C I J A
o poticajima u poljoprivrednoj proizvodnji
na području općine Maglaj u 2022. godini

Maglaj, august 2022. godine

INFORMACIJA poljoprivreda u 2022. godini

U periodu od 01.01. do 15.08.2022. godine, ukupno je zaprimljeno **44** predmeta koji se odnose na predmete iz nadležnosti Službe za privredu, finansije/financije i razvoj poduzetništva, koji se odnose na upis u:

- Registar poljoprivrednih gazdinstava (RPG),
- Registar klijenata (RK),
- Registar pčelara,

isti su kompletirani i unešeni u softversku aplikaciju koja je postavljena od strane Federalnog ministarstva za poljoprivredu, vodoprivredu i šumarstvo i koji kontrolišu i prate unos podataka.

Navedene aktivnosti se odnose na donošenje rješenja za odobrenje smještaja pokretnih pčelinjaka sa područja drugih općina na područje općine Maglaj, izradu vodnih akata, slanje redovnih izvještaja za Federalni zavod za statistiku te ostali akti i dopisi koji su vezani za oblast poljoprivrede i vodoprivrede.

Broj predmeta koji se posebno zavode na Protokolu Općine kroz knjigu osobne pošte je **510** i odnose se na redovito ažuriranje podataka u Registru poljoprivrednih gazdinstava (RPG) i Registru pčelara, zahtjevi za poticaj u primarnoj poljoprivrednoj proizvodnji a po objavljenom Javnom pozivu od Općine Maglaj, dostava podataka o otkupljenim količinama mlijeka te ostali akti koji su vezani za oblast poljoprivrede i vodoprivrede. Po zahtjevima stranaka izdano je **47** potvrda (Potvrde se izdaju u svrhu prijava na Javne pozive, ostvarivanje poticaja u poljoprivrednoj proizvodnji, prodaje viška vlastitih poljoprivrednih proizvoda na pijaci, u svrhu uvoza poljoprivrednih mašina i priključaka, mehanizacije kao i za podizanje kredita kod mikrokreditnih organizacija za pospješivanje poljoprivredne proizvodnje, potvrde iz Registra pčelinjaka u svrhu obilježavanja pčelinjaka i selidbe pčelinjih društava na druga područja kao i liste korištenja na posjedima i liste stoke, P1 i Z1 obrazci koje se uglavnom printaju za prijave na Javne pozive i poticaje nadležnog Federalnog i Kantonalnog ministarstva za poljoprivredu, šumarstvo i vodoprivredu.

U navedenom vremenskom periodu primane su stranke kojima su davani stručni savjeti iz oblasti poljoprivredne proizvodnje, upućivane su na određene radnje koje moraju izvršiti kako bi zadovoljili kriterije koji su potrebni za ostvarivanje federalnih i kantonalnih poticaja, a koji su propisani Pravilnikom, Programom i Uputstvom, koje je izdalo Federalno i Kantonalno ministarstvo za poljoprivredu, šumarstvo i vodoprivredu, kao i zahtjevi za općinski poticaj i za prijavu na Javne pozive. Također zaprimani su zahtjevi sa ukupnom dokumentacijom koja je potrebna za ostvarivanje poticaja u svim segmentima poljoprivredne proizvodnje, te pregledani i sa popratnim aktom poslani nadležnim ministarstvima.

U navedenom periodu rješavano je po zahtjevu podnositelja zahtjeva za izdavanje vodnih akata (prethodna vodna saglasnost, vodna saglasnost i vodna dozvola) primjenjujući Zakon o vodama („Službene novine Federacije BiH“, broj: 70/06), Zakon o vodama Zeničko-dobojskog kantona („Službene novine Ze-do Kantona“, broj: 17/07) i Pravilnik o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj: 31/15).

Važno je napomenuti da je oblast izdavanja vodoprivrednih akata izuzetno osjetljiv i kompleksan posao, i radi se o složenim upravnim postupcima. Napominjemo takođe da se pojavila problematika jer u našoj Službi od kada je inženjer agronomije/poljoprivrede u toku 2018. godine napustio organ Općinu Maglaj, nemamo odgovarajuću osobu koja bi obavljala ove poslove.

Redovito je komunicirano sa resornim federalnim i kantonalnim ministarstvom za poljoprivredu, šumarstvo i vodoprivredu, kako pismenim tako i telefonskim putem, a vezano za primjenu zakonskih propisa i to: Zakona o poljoprivredi, Zakona o vodama, Zakona o poljoprivrednom zemljištu, zakonskih i podzakonskih akata koji uređuju oblast poticaja u poljoprivrednoj proizvodnji, a sve radi pravilnog provođenja istih.

Održavani su sastanci sa predstavnicima udruženja građana poljoprivrednih proizvođača i zemljoradničkih zadruga, sa ciljem njihovog uvezivanja i poslovne saradnje, kao i zajedničkog rješavanja problema u oblasti primarne poljoprivredne proizvodnje.

U izvještajnom periodu vršeno je redovno primanje stranaka poljoprivrednih proizvođača, rad u stručnim i općinskim komisijama, tekući poslovi kao i poslovi po nalogu rukovodioca Službe i Načelnika općine, i to razne odluke, odgovori na vijećnička pitanja, dopisi, terenski poslovi, organizacija prezentacija projekata u poljoprivredi.

Registar poljoprivrednih gazdinstava (RPG) i Registar clijenata (RK) i Registar pčelara

Ukupan broj poljoprivrednih gazdinstava upisanih u RPG i RK na području općine Maglaj je trenutno **1513** i **za 29** je više nego u 2021. godini. Broj predmeta za ažuriranje podaka u 2022. godini u Registru poljoprivrednih gazdinstava (RPG) je **405**, u Registru pčelara **74** upisanih za **1** više nego u 2021. godini, broj ažuriranih predmeta u Registru pčelara je **46** te je izdano **45** potvrda o upisu u Registar koje se izdaju u svrhu:

- prijava na Javne pozive,
- prodaje viška vlastitih poljoprivrednih proizvoda na pijaci,
- uvoza poljoprivrednih mašina,
- podizanja kredita kod mikro kreditnih organizacija za pospješivanje poljoprivredne proizvodnje
- regulisanja poticaja u primarnoj poljoprivrednoj proizvodnji,
- obilježavanju pčelinjaka i
- selidbe pčelinjih društava na druga područja dok se podaci već unešenih obiteljskih poljoprivrednih gazdinstava odnosno clijenata trebaju redovito ažurirati najdalje do 31.03. svake godine, a svaka promjena na poljoprivrednom gazdinstvu se treba prijaviti najdalje 30 dana od dana promjene, tako da je rad na aplikaciji konstantan i redovit, te traje tokom cijele godine.

Unos podataka svih poljoprivrednih gazdinstava i dalje teče shodno podnesenim zahtjevima,

Poticaji u primarnoj poljoprivrednoj proizvodnji od strane Općine Maglaj

Općina Maglaj je u prethodnom periodu izdvajala znatna sredstva u Budžetu/Proračunu koja su bila opredjeljena za razvoj poljoprivrede i uglavnom su bila utrošena za poticaj u primarnoj poljoprivrednoj proizvodnji. Poticajna sredstva će se prvenstveno usmjeravati na poticaj poljoprivrednim gazdinstvima koja su u svom radu postizala značajne rezultate u cilju:

- stvaranja i proširenja obiteljskih gospodarstava i obrta,
- jačanja poljoprivrednih Zadruga i Udruženja čiji članovi doprinose cjelokupnom razvoju poljoprivrede i razvoju ruralnih područja općine, pokrivanje troškova organizovanog odlaska na sajam i razvoju ruralnog dijela općine Maglaj
- novčana pomoć JP „Veterinarska stanica“ doo Maglaj u svrhu zdravstvene zaštite životinja, itd.

Poticaji su se izdvajali planski u skladu sa Programom poticaja razvoja poljoprivrede na području općine Maglaj, koji svake godine usvaja Općinsko vijeće Maglaj.

Kako je na našoj općini jedan od najzastupljenijih, i za ljudsku ishranu esencijalnih sektora poljoprivrede stočarstvo i proizvodnja sirovog kravljeg mlijeka, tako su i sredstva davana za tu vrstu proizvodnje. Za tu namjenu Odlukom Načelnika općine, a na temelju dostavljenih ovjerenih spiskova otkupa mlijeka, dostavljenih od strane registriranih otkupljivača, izdvojeno je individualnim poljoprivrednim proizvođačima po 0,10 KM za svaku litru predanog sirovog kravljeg mlijeka, a koji su predali mlijeko registriranom prerađivaču Mliječnoj industriji „MI99“ d.o.o Gradačac i Zeničkoj industriji mlijeka „ZIM“ dd Zenica.

Proizvodnja sirovog kravljeg mlijeka

Proizvodnja sirovog kravljeg mlijeka (0,10 KM/litru proizvedenog sirovog kravljeg mlijeka) po kvartalima - obračunava se po dostavljenim tabelarnim prikazima od strane registrovanih otkupljivača „MI99“ d.o.o Gradačac i "ZIM" dd Zenica.

R.Br.	Proizvodnja sirovog kravljeg mlijeka	Ukupno litara	KM/litar	Iznos (u KM)
1.	I kvartal 2022.godine	252.977	0,10	25.297,70
2.	II kvartal 2022.godine	246.172	0,10	24.617,20
	UKUPNO:	499.149	0,10	49.914,90

Poticaji za navedenu proizvodnju se isplaćuju kvartalno, a sve zbog obračunavanja zadnjeg kvartala proizvedenog mlijeka u tekućoj godini koji završava sa datumom 31. decembrom/prosincom tako da će se ukupna količina proizvedenog sirovog kravljeg mlijeka u 2022. godini znati poslije ovog perioda.

Dana 08.06.2022. godine Općinski načelnik objavio je Javne pozive za ostvarivanje novčane podrške na području općine Maglaj za slijedeće poljoprivredne proizvodnje:

Proizvodnja aronije i borovnice

Pravo na poticaj imali su poljoprivredni proizvođači koji su zasnovali proizvodnju na zasadima aronije i borovnice od 1 dunuma i više.

Visina poticaja iznosi 100,00 KM/dunum.

Ukupan broj podnesenih prijava je **12** zahtjeva, pod površinom od **31,2 dunuma**.

Proizvodnja krastavaca kornišona

Pravo na poticaj imali su poljoprivredni proizvođači koji su zasnovali proizvodnju krastavaca kornišona na površini od 0,5 dunuma i više.

Visina poticaja je iznosila 0,5 – 1 dunuma se množila sa koeficijentom 1 (jedan), a za površine preko 1 dunuma zasađene površine se množe sa koeficijentom 1,25.

Iznos poticaja je 100,00 KM/dunum.

Ukupan broj podnesenih prijava je **23** zahtjeva, pod površinom od **23,5 dunuma**

Otkupljivači koji su vršili otkup kornišona na području općine Maglaj su:

- "ESMA & SS"d.o.o. Šije, Tešanj
- „Voćar - Promet“d.o.o. Kalesija

Ukupan broj kooperanata, zasađena površina krastavca kornišona i ukupno proizvedena količina krastavca kornišona znat će se po završenoj sezoni proizvodnje ove kulture.

Proizvodnja bundeve za koštice

Pravo na podršku u ovoj proizvodnji imaju poljoprivrednici koji zasnuju poljoprivrednu proizvodnju na zasadima bundeve za koštice, od 1 dunuma i više.

Visina poticaja za navedenu proizvodnju je u iznosu od 50,00 KM/dunumu zasađenih površina

Ukupan broj podnesenih prijava je 5 zahtjeva, pod površinom od 8 **dunuma**

Peradarstvo (proizvodnja konzumnih jaja)

Pravo na poticaj su imali poljoprivredni proizvođači konzumnih jaja sa područja općine Maglaj koji svoju djelatnost obavljaju kao registrovani obrt – srodna djelatnost.

Visina poticaja za ovu vrstu proizvodnje iznosi 0,15 KM/koki nosilici.

Ukupan broj podnesenih prijava je 2 zahtjeva, broj koka nosilica je **23.000**

Uzgoj rasplodne stoke - ovce (potomstvo - jagnjad)

Pravo na poticaj imaju poljoprivredni proizvođači koji se bave uzgojom rasplodne stoke – ovce koji u vlastitom uzgoju imaju minimalno obilježeni 50 ovaca.

Visina poticaja će iznositi 3,00 KM/jagnje

Ukupan broj podnesenih prijava je 8 zahtjeva, broj grla jagnjadi je **919**.

Plastenička i staklenička proizvodnja

Pravo na poticaje su imali poljoprivrednici koji su zasnovali bilo koji vid intezivne biljne proizvodnje (rasadničarstvo, povrtlarstvo, cvjećarstvo i dr.) u plastenicima i staklenicima na vlastitom zemljištu i/ili zemljištu zakupljenom od strane drugih lica, na području općine Maglaj.

Poticati će se proizvodnja zasnovana u plastenicima i staklenicima na minimalnoj površini od 200 m². Podrška za navedenu proizvodnju će iznositi od 0,70 do 1,00 KM/1m² platenika.

Ukupan broj podnesenih prijava je 48 zahtjeva, ukupne površine **20.140 m²**.

Pčelarstvo (proizvodnja meda)

Pravo na poticaj su imali poljoprivredni proizvođači pčelari, koji su članovi registriranog Udruženja pčelara sa područja općine Maglaj, i koji su imali najmanje 10 (deset) pčelinjih zajednica/košnica na svom ili zakupljenom imanju.

Visina poticaja iznosi 12,50 KM/košnici.

Ukupan broj podnesenih prijava je 55 zahtjeva, a ukupan broj košnica je **1.934**.

Sufinansiranje projekata - programa iz oblasti poljoprivrede, edukativna putovanja i organizirani posjeti sajmovima

Podrška će se odobriti zemljoradničkim zadrugama i udruženjima poljoprivrednika s područja općine Maglaj na osnovu vrijednosti apliciranih projekata - programa.

Projekti – programi su morali biti isključivo vezani za poljoprivrednu proizvodnju i ruralni razvoj. Jednoj zadruzi ili udruženju može biti odobreno sufinansiranje samo jednog projekta - programa u oblasti poljoprivrede u visini do 1.500,00 KM u 2022. godini.

Ukupan broj podnesenih prijava je 3 zahtjeva – programa za podršku.

Obrada podataka podnesenih prijava i obilazak terena za sve gore navedene poticaje je u toku, a isplata odobrenih sredstava poticaja po svim javnim pozivima će biti isplaćena po završetku obračuna, a najkasnije do 31.12.2022. godine a sve u skladu sa Programom poticaja u poljoprivrednoj proizvodnji općine Maglaj za 2022. godinu.

Preostala tri javna poziva:

- proizvodnja jagodičastog voća (maline i kupine),
- proizvodnja kukuruza (silaznog i merkatilnog), i
- proizvodnja gljiva (šampinjon i bukovača),

bit će objavljeni po završetku proizvodnje koja je u toku.

OSTALI PROJEKTI

Federalno ministarstvo raseljenih osoba i izbjeglica (FMROI)

Dana 01.11.2021. godine Federalno ministarstvo raseljenih osoba i izbjeglica (FMROI) je raspisalo Javni poziv za podnošenje prijava za program pomoći održivog povratka „Podrška zapošljavanja/samozapošljavanja u poljoprivredi u periodu 2022 – 2023. godina“.

Predmet javnog poziva je izbor korisnika za dodjelu poljoprivrednih mašina, mehanizacije, platenika i građevinskog materijala u cilju podrške zapošljavanja/samozapošljavanja povratnika u poljoprivredi na prostoru entiteta Federacije Bosne i Hercegovine za sljedeće namjene i programe:

- dodjela poljoprivrednih mašina, mehanizacije i priključaka;
- dodjela platenika;
- dodjela građevinskog materijala za obnovu i izgradnju gospodarskih objekata u poljoprivrednoj djelatnosti.

Aplikanti koji budu izabrani kao korisnici sredstava/donacije su obavezni sufinansirati vlastitim novčanim sredstvima 30%, 40% i 50% zavisno od ukupne zbirne vrijednosti predmetne namjene za korisnika.

U skladu sa procedurama za izbor korisnika, na prijedlog Komisije za razmatranje prijave po Javnom pozivu (imenovane rješenjem resornog ministra) i Komisije za razmatranje prigovora na Odluku o utvrđivanju rang liste potencijalnih korisnika, Odluka je bila objavljena na web stranici Federalnog ministarstva raseljenih osoba i izbjeglica tako da je dana 18.07.2022. godine ugovor potpisalo 13 korisnika koji su učestvovali u sufinansiranju projekta po javnom pozivu kako slijedi u tabeli:

IME I PREZIME	ADRESA	VRSTA POMOĆI	VRIJEDNOST (u KM)	Iznos podrške/učešća (u KM)
Sead Karabegović	Bijela ploča bb	Motokultivator 12,2 KS, Kardanska prikolica, Rotaciona kopačica, Plug obrtni sa priključkom	11.789,50	FMROI 8.252,65 Korisnik 3.536,85
Mirzet Omerović	Donji Bradići	Motokultivator 12,2 KS, Kardanska prikolica, Rotaciona kopačica, Plug obrtni sa priključkom	11.789,50	FMROI 8.252,65 Korisnik 3.536,85
Suvada Meškić	Čobe bb	Plastenik 100m ²	3.094,99	FMROI 2.166,49 Korisnik 928,50
Medina Dubravica	Čobe bb	Plastenik 50m ²	1.775,00	FMROI 1.242,50 Korisnik 532,50
Sejad Mahmutagić	Bijela Ploča	Plastenik 100m ²	3.094,99	FMROI 2.166,49 Korisnik 928,50
Husić Tahir	Kopice bb	Motokultivator 12,2KS, Kardanska prikolica, Rotaciona kopačica	11.432,50	FMROI 8.002,75 Korisnik 3.429,75
Emir Bašić	Kopice bb	Motokultivator 12,2 KS, Kardanska prikolica, Rotaciona kopačica, Plug obrtni sa priključkom	11.789,50	FMROI 8.252,65 Korisnik 3.536,85

Đurić Miroslav	Bočinja Donja	Samohodna motokosačica	4.329,00	FMROI 3.030,30 Korisnik 1.298,70
Adnan Obralić	Liješnica	Motokultivator 12,2 KS, Kardanska prikolica, Rotaciona kopačica i Čeona kosa	13.192,50	FMROI 9.234,75 Korisnik 3.957,75
Jasminka Čizmić	Poljice bb	Motokultivator 12,2 KS, Kardanska prikolica, Rotaciona kopačica Plug obrtni sa priključkom	11.789,50	FMROI 8.252,65 Korisnik 3.536,85
Esad Saletović	Gornji Bradići	Plastenik 100 m ²	3.094,99	FMROI 2.166,49 Korisnik 928,50
Musić Bajro	Kopice bb	Motokultivator 12,2 KS, Kardanska prikolica, Rotaciona kopačica	11.432,50	FMROI 8.002,75 Korisnik 3.429,75
Adnan Mašić	Misurići	Kardanska prikolica, Rotaciona kopačica, Kosa čeona	13.192,50	FMROI 9.234,75 Korisnik 3.957,75
UKUPNO:			111.796,97	FMROI 78.257,87 Korisnik 33.539,10

Federalna direkcija robnih rezervi

Federalna direkcija robnih rezervi iz svojih robnih zaliha obezbjedila je i distribuirala gorivo za poljoprivredne proizvođače sa područja naše općine.

Federalno ministarstvo poljoprivrede, vodoprivrede i šumarstva je bilo u obavezi da Federalnoj direkciji robnih rezervi dostavi spisak poljoprivrednih proizvođača sa područja naše općine, koji su ostvarili podršku za biljnu proizvodnju na federalnom nivou (proizvođači silažnog kukuruza), i koji su imali pravo na ovu mjeru prema usvojenim kriterijima (50 litara po hektaru).

Dana 21.04.2022. godine izvršena je podijela goriva za sljedeće poljoprivredne proizvođače:

Naziv	Adresa	Površina na koju je ostvarena podrška u 2021. godini	Količina goriva/litar
Poljoprivredni proizvođač „Sabo“ vl. Sakib Kurjaković	Novi Šeher	2 ha	100,00
Bašić Ramiz	Maglaj	3,50 ha	175,00
Ahmetović Ahmet	Maglaj	2,17 ha	108,70
Farma „Šehić“ vl. Muhamed Šehić	Liješnica	3,86 ha	193,10
Mješovita poljoprivredna proizvodnja „Edo“ vl. Edin Huseinbašić	Maglaj	2 ha	100,00
Farma „Sajo“ vl. Safet Bradarić	Liješnica	3,87 ha	193,50
Farma „Bradarić“ vl. Sabra Bradarić	Liješnica	5 ha	250,00
Farma „Ridžal“ vl. Ramiza Ridžal	Donji Bradići	4,10 ha	204,98
Mješovita poljoprivredna proizvodnja „Nezir“ vl. Nezir Kurjaković	Novi Šeher	6 ha	300,00
Ukupno:		32,50 ha	1.625,28

Prezentacija projekta „Proizvodnja i otkup maline kroz novu tehnologiju podizanja kvalitete i količine po jedinici mjere“

Dana 23.02.2022. godine Općina Maglaj je u saradnji sa firmom „BERRY FRUIT“ d.o.o. Zavidovići i „FRUTTI FUNGHI“ d.o.o. Visoko organizovala prezentaciju projekta „Proizvodnja i otkup maline kroz novu tehnologiju podizanja kvalitete i količine po jedinici mjere“ na području općine Maglaj.

Gost predavač je bio prof. dr. Adnan Maličević i predstavnici navedenih firmi.

Njemačka nevladina organizacija „HELP“

Njemačka nevladina organizacija „HELP“ je 01. februara 2022. godine počela sa implementacijom projekta „Podrška socio – ekonomskoj stabilnosti regije zapadnog Balkana 2021 – 2022“ na području općine Maglaj koji finansira Vlada Savezne Republike Njemačke kroz Pakt za stabilnost jugoistočne Europe, a sufinansira Općina Maglaj.

Pojekat će trajati 12 mjeseci, potencijalni korisnici su nezaposlene i/ili zaposlene osobe iz socijalno ugroženih kategorija stanovništva sa zdravim poslovnim idejama za započinjanje ili razvoj samostalnih poslovnih aktivnosti. Projektom su podržane sve aktivnosti koje rezultiraju odgovarajućim mjesečnim prihodom, zavisno od dostupnih finansijskih sredstava i tržišnog potencijala svakog individualnog prijedloga.

Odobrena pomoć će biti distribuirana isključivo u vidu materijalno – tehničkih sredstava potrebnih za djelatnost, bez gotovinskih isplata. Prosječan iznos individualne donacije određen je u protuvrijednosti 2.000 EUR. Svaki korisnik bit će u obavezi da uplati 20% od ukupnog iznosa donacije, da registruje svoju djelatnost i obavi 10 sati društveno – korisnog rada za lokalnu zajednicu.

Za ovaj projekat apliciralo je 29 korisnika, kriterije poziva su ispunili njih 15 korisnika, a od toga 9 korisnika je bilo iz oblasti poljoprivrede, i to:

1. **Mustafa Pajvan (Novi Šeher) – poljoprivreda**
2. **Mustafa Jašić (Kopice) – poljoprivreda**
3. **Ibro Jašić (Kopice) – poljoprivreda**
4. **Adnan Obralić (Liješnica) – poljoprivreda**
5. **Bego Mujezinović (Novi Šeher) – poljoprivreda**
6. **Mirnesa Hajdarević (Novi Šeher) – poljoprivreda**
7. **Edin Bradarić (Jablanica) – poljoprivreda**
8. **Samir Mulahasić (Strupina) – poljoprivreda**
9. **Jasminka Čizmić (Poljice) – poljoprivreda**

Planirana sredstva iz Budžeta Općine Maglaj u 2022. godini za mjere poticaja u poljoprivredi iznose **195.000,00 KM**, a zaključno sa 31.07.2022. godine isplaćeno je **49.914,90 KM**.

Osim gore navedenih mjera poticaja sa nivoa općine, tu su i poticaji sa kantonalnog i federalnog nivoa koji su usklađeni sa programima poticaja Ministarstva za poljoprivredu Ze-do kantona i Federalnog ministarstva za poljoprivredu, vodoprivredu i šumarstvo.

Po uputstvu o poticanju Ministarstva za poljoprivredu, šumarstvo i vodoprivredu Ze-do kantona proizvođači su se u 2022. godini prijavljivali na sljedeće Javne pozive za koje se očekuje uplata sredstva:

- Podrška za uzgoj brojlera;
- Podrška za držanje koka nosilja;
- Podrška za registrovane farme goveda;
- Podrška za proizvodnju maline i kupine;
- Podrška za proizvodnju krastavca – kornišona;
- Podrška za zasnivanje koštičavog, jabučastog i jezgrastog voća;
- Podrška za zasnivanje novih zasada jagodičastog voća;
- Podrška za nabavku plastenika;
- Podrška za poljoprivrednu proizvodnju u plastenicima i staklenicima;
- Podrška projektima iz oblasti pčelarstva.

Po uputstvu o poticanju Ministarstva za poljoprivredu, šumarstvo i vodoprivredu Federacije BiH proizvođači su se u 2022. godini prijavljivali na sljedeće Javne pozive:

- Proizvodnja silažnog kukuruza;
- Proizvodnja svježeg kravljeg mlijeka;
- Proizvodnja goveđeg mesa – tov junadi;

- Uzgoj rasplodnih junica;
- Uzgoj rasplodne stoke – ovce i koze;
- Podrška po modelu ruralnog razvoja.

Podaci o broju predanih zahtjeva i iznosu novčanih sredstava bit će poznati u narednom periodu, odnosno nakon isplate svih poticaja od strane Federalnog i Kantonalnog ministarstva za poljoprivredu, šumarstvo i vodoprivredu.

Federalni zavod za poljoprivredu Sarajevo (FZZP)

Predstavnici Federalnog zavoda za poljoprivredu Sarajevo (FZZP) su u toku 2022. godine u više navrata obilazili poljoprivredne proizvođače na području općine Maglaj i vršili poslove stručnog nadzora u oblasti kontrole kvaliteta poljoprivrednih proizvoda, uzročnika biljnih bolesti, kontrolu prisutstva karantenskih i ekonomsko štetnih organizama na proizvodima, sjemenu i sadnom materijalu u unutarnjem prometu i ujedno edukovali vlasnike iz oblasti primjene aktivnosti vezanih za zdravlje bilja.

Sarajevska regionalna razvojna agencija SERDA

Sarajevska regionalna razvojna agencija SERDA je potpisala Ugovor o pružanju usluga podrške razvoju i implementaciji biznis planova u okviru Programa razvoja preduzeća i poljoprivrede u ruralnim krajevima sa Uredom za koordinaciju projekta Federalnog ministarstva poljoprivrede, vodoprivrede i šumarstva.

Svrha Programa razvoja preduzeća i poljoprivrede u ruralnim krajevima je doprinijeti ruralnom ekonomskom razvoju i smanjenju siromaštva poboljšanjem životnih uslova, ostvarivanjem prihoda i unapređenjem životnih standarda ciljanih domaćinstava. Ovaj projekat implementira se na cijelom teritoriju Federacije BiH na području unaprijed definiranih klastera (geografskih područja) u odabranim lancima vrijednosti, koji pružaju najbolju mogućnost uključivanja najsiromašnih domaćinstava iz ruralnih područja u Projektne aktivnosti i doprinosi osnaživanju žena i mladih na tom području.

Sarajevska regionalna razvojna agencija SERDA će u narednom periodu provesti prikupljanje podataka o provođenju ciljanog istraživanja kako bi se identificirale lokalne zajednice s najvećom koncentracijom siromašnih domaćinstava i preporučiti odgovarajuće proizvode iz podsektora poljoprivrede.

Program poticaja upošljavanja i samozapošljavanja pripadnika branilačke populacije Ze-do kantona

Po Programu poticaja samozapošljavanja pripadnika boračke populacije na Ze-do kantonu, bio je objavljen i javni poziv za dodjelu poticaja samozapošljavanja pripadnika navedene populacije i određeni broj aplikacija sa zahtjevima za registraciju poljoprivrednog obrta je bio i sa područja naše općine. Iznosi odobrenih sredstva i imena korisnika će biti naknadno objavljeni i dostavljeni resornim općinskim službama na području Ze-do kantona.

Obrađivač: Sadka Huskić

Kontrolori: Ferhat Bradarić

Dženana Hadžiedhemović Grahic



PREDLAGAČ

OPĆINSKI NAČELNIK

Mirsad Mahmutagić